

全上古三代秦漢三國六朝文

全三國文卷五十一

烏程嚴可均校輯

魏五十一

嵇康五

荅張遼叔釋難宅無吉凶攝生論

夫先王垂訓開端中人言之所樹賢愚不違事之所由古今不忒
所已致教也若玄機神妙不言之化自非至精孰能與之故善求
者觀物于微觸類而長不曰已爲度也案如所論甚有則愚甚無
則誕今使小有便得不愚邪了無乃得離之也若小有則不愚吾
未知小有其限所止也若了無乃得離之則甚無者無爲謂之誕
也又曰私神立則公神廢然則惡夫私之害公邪之傷正不爲無
神也向墨子立公神之情狀不甚有之說使董生託正忌之塗執
不甚無之言二賢雅趣可得合而一兩無不失邪今之所辨欲求

實有實無。曰明自然不詭。特論有工拙。議教有精粗也。尋雅論之。指謂河洛不誠。借助鬼神。故爲之宗廟。曰神其本。不若子貢曰求其然。則足下得不爲託心無鬼。曰齊契于董生邪。而復顯古人之言。懼無鬼之繁貌與情乖。立從公廢私之論。欲彌縫兩端。使不愚不詭。兩議董墨謂其中央可得而居。恐辭辨雖巧。難可俱通。又非所望于覈論也。故吾謂占人合德天地。動應自然。經世所立。莫不有徵。豈匿設宗廟。曰期後嗣。空借鬼神。曰調將來邪。足下將謂吾與墨不殊。今不辭同有鬼。但不偏守一區。明所當然。使人鬼同謀。幽明並濟。亦所曰求衷。所曰爲異耳。論曰。鈞疾而禱不同。故于臣弟則周公請命。親其身則尼父不禱。所謂禮爲情貌者也。難曰。若于臣子則宜修情貌。未聞舜禹有請君父也。若于身則否。未聞武王闕禱之命也。湯禱桑林。復爲君父邪。推此而言。宜曰禱爲益。則湯周用之。禱無所行。則孔子不請。此其殊塗同歸。隨時之義也。又

曰時曰先王所曰誠不怠而勸從事足下前論云時曰非盛王所有故吾問惟戊之事今不答惟戊果是非而曰所誠勸此復兩許之言也縱令惟戊盡于誠勸尋論案名當言有日邪無日邪又曰俗之時曰順妖忌而逆事理案此言曰惡夫妖逆故去之未爲盛王了無日也夫時曰用于盛世而來代襲曰妖惑猶先王制雅樂而季世繼曰淫哇也今憤妖忌因欲去日何異惡鄭衛而滅韶武邪不思其本見其所弊輒疾而欲除得不爲遇壅溺而遷怒邪足下旣已善卜矣乾坤有六子支幹有剛柔統曰陰陽錯曰五行故吉凶可得而時曰是其所由故古人順之焉有善其流而惡其源者吾未知其可也至于河洛宗廟則爲匿而不信類禱祈禱則謂僞而無實時曰剛柔則謂假曰爲勸此聖人專造虛詐曰欺天下匹夫之諒且猶恥之今議古人得無不可乃爾也凡此數事猶陷于誣妄冢宅之見伐不亦宜乎前論曰若許負之相條侯英布之

黥而後王一欄之羊賓至而有死者性命之自然也。今論曰：隆準龍顏公侯之相，不可假求，此爲相命自有一定，相所當成人不能壞，相所當敗，智不能救，陷常生于眾險，雖可懼而無患，抑當貴于廝養，雖辱賤而必貴，薄顯之困而後昌，皆不可爲，不可求，而閭相遇之，全相之論，必當若此，乃一塗得通，本論不滯耳。吾適曰：信順爲難，則便曰：信順者，成命之理，必若所言，命曰：信順成，亦曰：不信順，敗矣。若命之成敗，取足于信順，故是吾前難壽夭成于愚智耳。安得有性命自然也。若信順果成相命，請問亞夫由幾惡而得餓，其布修何德，已致王生羊積幾善，已獲存，死者負何罪，已逢災邪。既持相命，復惜信順，欲飾二論，使得並通，恐似矛盾，無俱立之勢，非辨言所能兩濟也。論曰：論相命，當辨有無，無疑眾寡，苟一人有命，則長平皆一矣。又曰：知命者，不立巖牆之下，吾謂知命者，當無所不順，乃畏巖牆，知命有在，立之何懼。若巖牆果能爲害，不擇命。

之長短則知與不知立之有禍避之無患也則何知白起非長平之巖牆而云千萬皆命無疑眾寡耶若謂長平雖同于巖牆故是相命宜值之則命所當至期于必然不立之誠何所施耶若此果有相也此復吾之所疑也又曰長平不得係于命將係宅耶則唐虞之世宅何同吉本疑前論無非相命故借長平之異同曰難相命之必然廣求異端曰明事理豈必吉宅曰質之耶又前論已明吉宅之不獨行今空抑此言欲以誰難又曰長平之卒宅何同因苟大同足嫌足下愚于吾也適至守相便言千萬皆一校曰至理負情之對于是乎見既虛立吉宅口而無獲欲救相命而情已難顯故曰如此可謂善戰矣論曰卜之盡蓋理所曰成相命者也此復吾所疑矣前論曰相命爲主而尋益曰信順此一離婁也今復曰卜成之成命之具三而猶不知相命竟須幾箇爲足也若唯信順于理尙少何曰謂成命之理耶若是相濟則卜何所補于卜復

曰成命耶、請問卜之成命、使單豹行卜、知將有虎災、則隱居深宮、嚴備自衛、若虎猶及之、爲卜無所益也、何云成相耶、若謂豹卜而得脫、本無厄虎相也、卜爲妄語矣、若謂凡有命皆當由卜、乃成則世有終身不下者、皆失相天命耶、若謂卜亦相也、然則卜是相中一物也、安得云曰成相耶、若此、不知卜筮、故當與相命通相成、爲不當各自行也、論曰、無故而居可占、猶龍顏可相也、設爲吉宅而後居曰幸、福報無異、似頗準而望公侯也、然則人實徵宅、非宅制人也、案如所言、無故而居可占者、必謂當吉人之瞑目而前推選任命、曰閭閻宅、自然遇吉也、然則豈獨古人、凡有命者、皆可曰閭動而自得正、是前論命自然、不可增減者也、驟曰可爲之、信順卜筮、成不可增減之命矣、奚獨禁可爲之宅、不盡相命、唯有閭作、乃是眞宅耶、若瞑目可曰得相、開目亦無所加也、智者愈當識之、周公營居、何故躊躇于淵瀝、問龜筮而食洛耶、若龜筮果有助于爲

宅則知閭作可有不盡善之理矣。苟閭作有不盡則不閭豈非求之術耶。若必謂龜筮不能盡相于閭往想亦不失相于考卜也。則卜與不卜爲與不爲皆期于自得自得苟全則善占者所遇常識何得無故則能知有故則不知也。然貞宅之異假顏貴夫無故識之貞宅之與設爲其形不同曰功成俱是吉宅也。但無故爲貞宅授吉于閭遇設爲滅福于用知爾然則吉凶之形果自有理可已爲故而得故前論有占成之驗也。然則占成之形何曰言之必遂遠近得宜堂廉有制坦然殊觀可得而別利人曰福故謂之吉害人曰禍故謂之凶。但公侯之相閭與吉會爾然則宅與性命雖各一物猶農夫良田合而成功也。設公侯遷後方樂其吉而往居之吉宅豈選能而後納擇善而後福哉。苟宅無情于擇賢不惜吉于設爲則屋不辭人田不讓耕其所已爲吉凶薄厚何得不均。前吉者不求而遇後聞吉而往同于居吉宅而有求與不求矣何言誕

而不可爲也由是言之非從人而徵宅亦成人明矣若挾顏狀則
英布黥相不減其貴隆準見軀不減公侯之標是知顏準是公侯
之標識非所曰爲公侯質也夫標識者非公侯質也吉名宅宇與
吉者宅實也無吉徵而自宅曰徵假見難可也若曰非質之標識
難有徵之吉宅此吾所不敢許也子陽無質而鑠其掌旣知當字
長耳巨君篡宅而運其魁卽偏恃之禍非所曰爲難也至公侯之
命稟之自然不可陶易宅是外物方圓由人有可爲之理猶西施
之潔不可爲而西施之服可爲也黼黻芳華所曰助口吉宅口家
所曰成相故世無人方而有卜宅是曰知人宅不可相喻也安得
曰不可作之人絕可作之宅耶至刑德皆同此一家非本論占成
居而得吉凶者也且先了此乃議其餘論曰獵夫從林所遇或禽
或虎虎凶禽吉卜者筮而知之非能爲安知所言地之善惡猶禽
吉虎凶獵夫先筮故擇而從禽如擇居故避凶而從吉吉地雖不

爲而可擇處猶禽虎雖不可變而可擇從苟卜筮所已成机虎可卜而地可擇何爲半信而半不信邪又云地之吉凶有若禽虎不得宮姓則無害商則爲災也案此爲怪所不解而已爲難似未察宮商之理也雖此理之吉而或長于養宮短于毓商猶良田雖美而稼有所宜何曰言之人姓有五音五行有相生故同姓不昏惡不殖也人誠有之地亦宜然故古人仰準陰陽俯協剛柔中識性理使三才相善同會于大通所曰窮理而盡物宜也夫同聲相應同氣相求自然之分也音不和則比絃不動聲同則雖遠相應此事雖著而猶莫或識苟有五音各有宜土氣有相生則人宅猶禽虎之類豈可見宮商之不同而謂之地無吉凶也論曰天下或有能說之者子而不言誰與能之難曰足下前論已云有能占成居者此即能說之矣故吾曰天下當有能者今不求之于前論而復責吾難之于能言亦當知冢宅有吉凶也又曰藥之已病爲一也

實而宅之吉凶爲一也。誣既曰成居可占，又復曰誣邪。藥之已病，其驗又見，故君子信之。宅之吉凶，其報賒遙，故君子疑之。今若曰交賒爲虛，則恐所曰求物之地鮮矣。吾見萍滄不疑江海之大，觀丘陵則知有泰山之高也。若守藥則棄宅，見交則非賒，是海人所自終身無山，山客曰無大魚也。論曰：智之所知，未若所不知，不可妄論也。難曰：智所不知，相必亦未知也。今暗許便多于所知者，何邪？必生于本，謂之無而強曰驗有也。強有之驗，將不盈于數矣。而并所成驗者，謂之多于所知耳。苟知然，果有未還之理，不因見求隱，尋論究緒，由口口而卯未，夫尋端之理，猶獵師曰得禽也。縱使尋迹時有無獲，然得禽曷嘗不由之哉？今吉凶不先定，則謂不可求，何異口獸不期，則不敢訊，舉氣口足，坐守無根也。由此而言，探賈索隱，何謂爲妄？

大師箴

浩浩太素、陽曜陰凝、二儀陶化、人倫肇興、厥初冥昧、不慮不營、欲
曰物開、患曰事成、犯機觸害、智不救生、宗長歸仁、自然之情、故君
道自然、必託賢明、茫茫在昔、罔或不靈、赫胥既往、紹曰皇羲、默靜
無文、大朴未虧、萬物熙熙、不天不離、爰及唐虞、猶篤其緒、體資易
簡、應天順矩、絺褐其裳、土木其宇、物或失性、懼若在予、疇咨熙載、
終禪舜禹、夫統之者勞、仰之者逸、至人重身、棄而不恤、故子州稱
疾、石戶乘桴、許由鞠躬、辭長九州、先王仁愛、愍世憂時、哀萬物之
將頽、然後莅之下、逮德衰、大道沈淪、智惠日用、漸私其親、懼物乖
離、譬口口仁利、巧愈競、繁禮屢陳、刑教爭施、犬性喪真、季世陵遲、
繼體承資、憑尊恃勢、不友不師、宰割天下、曰奉其私、故君位益侈、
臣路生心、竭智謀國、不吝灰沈、賞罰雖存、莫勸莫禁、若乃驕盈肆
志、阻兵擅權、於威縱虐、禍蒙丘山、刑本懲暴、今曰晉賢、昔爲天下

今爲一身下疾其上君猜其臣喪亂弘多國乃隕顛故殷辛不道
首綴素旗周朝敗度姦人是謀楚靈極暴乾溪潰叛晉厲殘虐樂
書作難主父棄禮鼓胎不宰秦皇荼毒禍流四海是曰亡國繼踵
古今相承醜彼摧滅而襲其亡徵初安若山後敗如崩臨刃振鋒
悔何所增故居帝王者無曰我謀慢爾德音無曰我強肆于驕淫
棄彼佞倖納此逆顏諛言順耳染德生患悠悠庶類我控我告唯
賢是授何必親戚順乃造好民實胥效治亂之原豈無昌敎穆穆
天子思問其德虚心導人允求讜言師臣司訓敢告在前集本
若會酒坐見人爭語其形勢似欲轉盛便當捨去此闕之兆也衛
四百九十六 案此
疑是序未敢定之

燈銘

肅肅宵征造我友廬光燈吐耀華綬長舒

家誠

人無志非人也。但君子用心有所準行。白當量其善者。必擬議而後動。若志之所之。則口與心誓。守死無二。恥躬不逮。期于必濟。若心疲體懈。或牽于外物。或累于內欲。不堪近患。不忍小情。則議于去就。議于去就。則二心交爭。二心交爭。則向所已見役之情勝矣。或有中道而廢。或有不成一簣而敗之。已之守則不固。已之攻則怯弱。與之誓則多違。與之謀則善泄。臨樂則肆情。處逸則極意。故雖繁華熠燿。無結秀之勳。終年之勤。無一旦之功。斯君子所已歎息也。若夫申胥之長吟。夷齊之全潔。屈季之執信。蘇武之守節。可謂固矣。故曰無心守之安而體之。若自然也。乃是守志之盛者也。所居長吏。但宜敬之而已矣。不當極親密。不宜數往。往當有時。其眾人又不當宿留。所已然者。長吏喜問外事。或時發舉。則怨。或者謂人所說無已自免也。若行寡言慎。備自守。則怨責之路解矣。其立身當清遠。若有煩辱。欲人之盡命。託人之請求。當謙辭口謝。其

素不豫此輩事、當相亮耳。若有怨急、心所不忍、可外違拒、密爲濟之。所曰然者、上遠宜適之幾、中絕常人淫輩之求、下全束脩無玷之稱。此又秉志之一隅也。凡行事先自審其可、不差于宜、宜行此事而人欲易之、當說宜易之理。若使彼語殊佳者、勿羞折遂非也。若其理不足、而更曰情求來、守人雖復云云、當堅執所守。此又秉志之一隅也。不須行小小束脩之意氣。若見窮乏而有可已賑濟者、便見義而作。若人從我、欲有所求、先自思省。若有所損廢、多于今日所濟之義少、則當權其輕重而拒之。雖復守辱不已、猶當絕之。然大率人之告求、皆彼無我有、故來求我。此爲與之多也。自不如此而爲輕竭、不忍面言、強副小情、未爲有志也。夫言語君子之機、機動物應、則是非之形著矣。故不可不慎。若干意不善了、而本意欲言、則當懼有不了之失。且權忍之後視、向不言此事、無他不可、則向言或有不可。然則能不言、全得其可矣。且俗人傳吉、進傳

凶疾又好議人之過闕此常人之議也坐言所言自非高議但是動靜消息小小異同但當高視不足和答也非義不言詳靜敬道豈非寡悔之謂人有相與變爭未知得失所在慎勿豫也且默已觀之其非行自可見或有小是不足是小非不足非至竟可不言已待之就有人問者猶當辭已不解近論議亦然若會酒坐見人爭語其形勢侶欲轉盛便當亟舍去之此將闕之兆也坐視必見曲直黨不能不有言有言必是在一人其不是者方自謂爲直則謂曲我者有私于彼便怨惡之情生矣或便獲悖辱之言正坐視之大見是非而爭不了則仁而無武于義無可當遠之也然大都爭訟者小人耳正復有是非共濟汗漫雖勝可足稱哉就不得遠取醉爲佳若意中偶有所諱而彼必欲知者共守大不已或卻已鄙情不可憚此小輩而爲所撓引已盡其言今正堅語不知不識方爲有志耳自非知舊鄰比庶幾已下欲請呼者當辭已他故勿

往也。外榮華則少欲，自非至急，終無求欲上美也。不須作小小卑恭，當大謙裕，不須作小小廉恥，當全大讓。若臨朝讓官，臨議讓生，若孔文舉求代兄死，此忠臣烈士之節。凡人自有公私，慎勿強知人知，彼知我知之，則有忌于我。今知而不言，則便是不知矣。若見竊語私議，便舍起，勿使忌人也。或時逼迫，強與我共說，若其言邪險，則當正色曰：「道義正之何者？」君子不容僞薄之言故也。一旦事敗，便言某甲昔知吾事，已宜備之深也。凡人私語無所不有，宜預已爲意見之而走者何哉？或偶知其私事，與同則可，不同則彼恐事泄，思害人已滅迹也。非意所欲者而來戲調，蚩笑人之闕者，但莫應從，小共轉至于不共，而勿大冰於趨，已不言答之，勢不得久行自止也。自非所監臨，相與無他，宜適有壺榼之意，束脩之好，此人道所通，不須逆也。過此已往，自非通穆匹帛之饋，車服之贈，當深絕之。何者？常人皆薄義而重利，今已白竭者，必有爲而作鬻貨。

微歡施而求報其俗人之所甘願而君子之所大惡也口口口口口口口口又憤不須離樓強勸人酒不飲自己若人來勸己輒當爲持之勿請勿逆也見醉薰薰便止慎不當至困醉不能自裁也

又略見藝文類聚二十三

嵇康集目錄

世說注又御覽作嵇康集序

孫登者字公和不知何許人無家屬于汲縣北山土窟中得之夏則編草爲窠冬則被髮自覆好讀易鼓一絃琴見者皆親樂之每所止家輒給其衣服飲食得無辭讓

魏志王粲傳注世說接連篇注御覽二十七九百九十九

賜進士出身三品銜廣東等處提刑按察使司按察使兼管驛傳事務黃岡王毓藻刊

全三國文卷五十二

烏程嚴可均校輯

魏五十二

嵇康六

聖賢高士傳

謹案隋志雜傳類聖賢高士傳贊三卷嵇康傳周續之注唐志
曰傳屬嵇康曰贊屬周續之據康兄喜爲康傳云撰錄上古已
來聖賢隱逸遁心遺名者集爲傳贊自混沌至于管寧凡百一
十有九人是傳與贊皆康撰唐志誤也宋代不著錄今檢羣書
得五十二傳五贊凡六十一人定著一卷附康集之末嘉慶二
十年歲在乙亥四月朔

廣成子

廣成子在崆峒之上黃帝問曰吾欲取天地之精曰養萬物爲之

奈何廣成子蹙然而起曰至道之精窈窈冥冥無視無聽抱神曰靜我守其一曰處其和故千二百歲而形未嘗衰得吾道者上爲皇下爲王失吾道者上見光而下爲土吾將去汝人無窮之閒遊無極之野與日月參光與天地爲常

魏文豹聚三十六

襄城小童

黃帝將見大隗于具茨之山方明爲御昌寓參乘黃帝曰異哉請問天下小童曰予少遊六合之外適有瘠病有長者教予乘口車遊于襄城之野今病少損將復六合之外爲天下者予奚事焉夫爲天下亦奚異牧馬哉去其害馬而已黃帝再拜稱天師而還

魏文豹聚三十六案

此下當有其贊曰

奇矣難別襄城小童倦遊六合來憩茲邦

水經

巢父

巢父堯時隱人年老曰樹爲巢而寢其上故人號爲巢父堯之讓

許由也。由曰：告巢父。巢父曰：汝何不隱？汝形藏，汝光非吾友也。乃擊其膺而下之。許由悵然不自得，乃遇清冷之水，洗其耳，拭其目。曰：嚮者聞言，負吾友遂去，終身不相見。

藝文類聚
三十六

許由

許由字武仲，堯舜皆師之。與馮缺論堯而去，隱于沛澤之中。堯舜乃致天下而讓焉。曰：十日竝出，而燔火不息，其光也不亦難乎？夫子爲天子，則天下治；我由尸之，吾自視缺然。許由曰：吾將爲名乎？名者實之賓，吾將爲賓乎？乃去宿于逆旅之家，旦而遺其皮冠。巢父聞由爲堯所讓，曰：爲汙，乃臨池水而洗其耳。池主怒曰：何目汙我水？由乃退而遯耕于中岳潁水之陽，箕山之下。

藝文類聚
三十六

許由養神，宅于箕阿，德真體全，擇日登遐。

御覽五
十六

壤父

壤父者，堯時人，年五十而擊壤于道中。觀者曰：大哉帝之德也。壤

父曰吾日出而作日入而息鑿井而飲耕地而食帝何德于我哉

藝文類聚

子州支父

藝文類聚
作子支伯

子州支父者堯舜各曰天下讓支父支父曰子適有幽憂之病方且治之未暇治天下也遂不知所之

藝文類聚三十
六御覽五百九

善卷

善卷者古之賢人也舜曰天下讓之善卷曰予立宇宙之中冬則衣皮毛夏則衣絺葛日出而作日入而息消搖天地之間何曰天下爲哉遂入深山莫知其所終

藝文類聚三十
六御覽二十六

石戶之農

石戶之農不知何許人與舜爲友舜曰天下讓之石戶夫負妻戴攜子弓入海終身不反

藝文類聚三十
六御覽五百九

伯成子高

伯成子高者不知何許人也。唐虞之時爲諸侯。至禹復去而耕。禹往趨而問之曰。昔堯舜治天下。吾子立爲諸侯。堯授舜。舜授子。吾子去而耕。敢問其故何邪。子高曰。昔堯治天下。至公無私。不賞而民勸。不罰而民畏。今子賞而不勸。罰而不畏。德自此衰。刑自此作。夫子盍行乎。無畱。藝文類聚作落吾事佶佶乎。遂復耕而不顧。藝文類聚作三十六御覽五百九

卜隨 務光

卜隨務光者不知何許人。湯將伐桀。因卜隨而謀曰。非吾事也。湯遂伐桀。曰。天下讓隨。隨曰。后之伐桀。謀于我。必曰我爲賊也。而又讓我。必曰我爲貪也。吾不忍聞。乃自投湘水。又讓務光。光曰。廢上非義。殺民非仁。無道之世。不踐其土。況于尊我哉。乃抱石而沈廬水。

庚市子

庚市子者聖人無欲者也見人爭財而訟推千金之璧于其旁而訟者息御覽五
百九

小臣稷

小臣稷者齊人抗厲希公桓公三往而不得見公曰吾聞士不輕爵祿無已易萬乘之主不好仁義無已下布衣之士于是五往乃得見焉御覽五
百九

涓子 齊子

涓子齊子不接賓客服食甚精至三百年後釣于河澤得鯉中魚符後隱于宕石山能致風雨告伯陽九仙法淮南王少得其文不能解其旨御覽五
百九

商容

商容不知何許人也有疾老子問之曰先生無遺教已告弟子商容曰將語子過故鄉而下車知之乎老子曰非謂不忘故耶容曰

過喬奔而趨知之乎老子曰非謂其故老乎容張口曰吾舌存乎
曰存吾齒存乎曰亡知之乎老子曰非爲其剛亡而弱存商容曰
嘻天下事盡矣藝文類聚三十
四御覽五百九

老子

良賈深藏外形若虛君子盛德容貌若不足

史記老子
傳索隱

關令尹喜

關令尹喜州大夫也善內學星辰服食老子西遊喜先見氣物色
遮之果得老子老子爲著書因與老子俱之流沙西服巨勝實莫
知所終御覽五
百九

亥唐

亥唐晉人也高格寡素晉國憚之雖蔬食菜羹平公每爲之欣飽
公與亥唐坐有閒亥唐出叔向入平公伸一足曰吾向時與亥子
坐腳痛足痺不敢伸叔向淳然作色不悅公曰子欲貴乎吾爵子

子欲富乎、吾祿子、夫亥先生乃無欲也、非正坐無曰養之、子何不

悅乎、

御覽五百九

項橐

孔子問項橐曰、居何在、曰、萬流屋是也、注曰、言與萬物同流匹也、文選、顏延年皇太子釋奠會詩、注、案、川籍之注、僅存此條、漢書、董仲舒傳云、此亡異、于達巷黨人不學而自知也、孟康曰、人項橐也、

狂接輿

狂接輿、楚人也、耕而食、楚王聞其賢、使使者持金百鎰聘之、曰、願先生治江南、接輿笑而不應、使者去、其妻從市來、曰、門外車馬迹何深也、接輿具告之、妻曰、許之乎、接輿曰、貴富人之所欲、子何惡之、妻曰、吾聞聖人樂道、不曰貧易操、不為富改行、受人爵祿、何曰待之、接輿曰、吾不許也、妻曰、誠然、不如去之、夫負釜甌、妻戴紆器、變姓名、莫知所之、嘗見仲尼歌而過之、曰、鳳兮鳳兮、何德之衰、往

者不可諫來者猶可追後更姓名陸通養性在蜀峨嵋山上世世見之

御覽五百九

榮啟期

榮啟期者不知何許人也披裘帶索鼓琴而歌孔子曰先生何樂也對曰天生萬物惟人爲貴吾得爲人一樂也曰男爲貴吾得爲男二樂也人生有不全于繼絕吾行年九十五矣是三樂也貧者士之常死者民之終居常曰待終何不樂也

御覽五百九

○長沮 桀溺

長沮桀溺者不知何許人也耦而耕孔子過之使子路問津焉長沮曰夫執輿者是誰子路曰是孔子是魯孔丘歟曰是也是知津矣問于桀溺桀溺曰子爲誰曰仲由孔丘之徒歟對曰然與其從避人之士豈若從避世之士哉擾而不輟子路曰告孔子孔子撫然曰鳥獸不可與同羣吾非斯人之徒歟

御覽五百九

荷篠丈人

荷篠丈人不知何許人也子路從而後問曰子見夫子乎丈人以
四體不勤五穀不分孰爲夫子植其杖而耘子路行曰告子曰隱
者也使子反見之至則行矣御覽五
百九

太公任

太公任者陳人孔子圍陳七日不火食太公往弔之曰子幾死乎
夫直木先伐甘井先竭子其飾智曰矜愚修身曰明汗昭昭如揭
日月而行故汝不免于患也孰能削迹捐勢不爲功名者哉無責
于人亦無責焉孔子曰善辭其交遊巡于大澤入獸不亂羣而
況人也御覽五
百九

漢陰丈人

漢陰丈人者楚人也子貢適楚見丈人爲圃入井抱甕而灌用力
甚多子貢曰有機于此後重前輕曰操耒用力寡而見功多丈人

作色曰聞之吾師有機事者必有機心機心存于胸則純白不備
子貢愕然慙不對有閒丈人曰子奚爲曰孔丘之徒也丈人曰子
非博學已疑聖知獨絃歌自買聲名于天下者乎方且亡汝神氣
墮汝形體何暇治天下乎子往矣勿妨吾事御覽五百九

被裘公

被裘公者吳人也延陵季子出遊見道中有遺金顧而謂公曰取
彼金公投鎌瞋目拂手而言曰何子居之高而視之卑五月被裘
而負薪豈取遺金者哉季子大驚既謝而問其姓名公曰吾子皮
相之士何足語姓名哉藝文類聚二十六 六卿卷二十二

延陵季子

延陵季子名札吳王之子最少而賢使上國還會闔閭使專諸刺
殺王僚致國于札札不受去之延陵終身不入吳國初適魯聽樂
論眾國之風及過徐徐君欲其劍札心許之及還徐君已死卽解

帶桂樹而去

御覽五百九

原憲

原憲味道財寡義豐栖遲蓬門安賤固窳絃歌自樂體逸心冲進應子貢邈有清風

初學記十七

范蠡

范蠡者徐人也相越滅吳去之齊號鴟夷子治產數千萬去止陶爲陶朱公後累巨萬一日蠡事周師太公服飲桂水去越入海白餘年乃見于陶一旦棄資財賣藥于蘭陵世世見之

御覽五百九

屠羊說

屠羊說者楚人隱于屠肆昭王失國說往從王王反國將欲賞說說曰大王失國說失屠羊大王反國說亦屠羊臣之爵祿復矣又何賞之有王使司馬子綦延之曰三珪之位說曰願長反屠羊之肆耳遂不受

御覽五百九

市南宜僚

市南宜僚，楚人也。姓熊，白公爲亂，使石乞告之，不從。承弓劍與僚弄丸不輟。魯侯問曰：「吾學先生之道，勤而行之，然不免于憂患，何也？」僚曰：「君今能刳形洗心，而遊無人之野，則無憂矣。」御覽五百九

周豐

周豐，魯人也。潛居自貴。哀公執贄請見之，豐辭。使人問曰：「有虞氏未施信于民而民信，夏后氏未施敬于民而民敬，何施而得此于民也？」對曰：「墟墓之間，未施哀于民而民哀；宗廟社稷中，未施敬于民而民敬；殷人作誓而民始叛，周人作會而民始疑；苟無禮義忠信誠懇之心，自莊之，然雖固結之民，其可不解乎？」御覽五百十

顏閭

顏閭者，魯人也。魯君聞其賢，已幣聘焉。閭方服布衣，自飲牛。使者問曰：「此顏閭家邪？」曰：「然。」使者致幣，閭口恐聽誤，而遣使者羞。使者

反復來求之，閤乃鑿坏而遁。

御覽五百九

段干木

段干木者，治清節，游西河，守道不仕。魏文侯就造其門，干木踰垣而避之。文侯曰：「客禮出過其廬，則式其僕，問之。」文侯曰：「干木不趣勢，隱處窮巷，聲馳千里，敢勿式乎？」文侯所已名過齊桓公者，能賢段干木，敬卜子夏，友田子方也。

藝文類聚三十六

莊周

莊周少學老子。梁惠王時，為蒙縣漆園吏。已卑賤，不肯仕。楚威王已百金聘周，周方釣于濮水之上，曰：「楚有龜，死三千歲矣，今巾笥而藏之于廟堂之上，此龜監生而掉尾塗中耳。子往矣，吾方掉尾于塗中。」後齊桓王又已千金之幣，迎周為相。周曰：「子不見郊祭之犧牛乎？衣已文綳，食已芻菽，及其牽入太廟，欲為孤豚，其可得乎？」遂終身不仕。

藝文類聚三十六

閻丘先生

閻丘先生齊人也齊宣王獵于杜山杜山父老十三人相與勞王
王賜父老衣服父老皆謝先生獨不拜王曰少也復賜無徭役先
生復獨不拜王曰父老幸勞之故答曰二賜先生獨不拜何也閻
丘曰聞王之來願得壽得富得貴于大王也王曰死生有命非寡
人也倉廩備蓄無曰富先生大官無關無曰貴先生閻丘曰非所
敢望願選良吏平法度則臣得壽矣擐之曰時則臣得富矣令少
敬長則臣得貴矣

御覽五
百九

顏歛

顏歛者齊人也宣王見之王曰歛前歛曰王前王不悅歛曰夫歛
前爲慕勢王前爲趨土王作色曰士貴乎歛曰昔秦攻齊令曰敢
近柳下惠壟樵者罪死不赦有能得齊王頭者封萬戶由是觀之
生王之頭不如死士之壟齊王曰願先生與寡人遊食太牢乘安

車歇曰願得蔬食已當肉安步已當輿無罪已當貴清淨已自娛
遂辭而去御覽五百十

魯連

魯連者齊人好奇倬似儻嘗遊趙秦圍邯鄲連難新垣衍曰秦爲
帝秦軍爲卻平原君欲封連連三辭不受平原君又置酒乃曰千
金爲連壽連笑曰所貴天下之士者爲人排患釋難而無取也卽
有取之是商賈之事爾不忍爲也及燕將守聊城田單攻之不能
下連乃爲書射城中遺燕將燕將見書泣三日乃自殺城降田單
欲爵連連曰吾與于富貴而誦于人盜貧賤輕世而肆意遂隱居
海上莫知所在藝文類聚三十
六御覽五百十

田生

田生營牀茅屋不肯仕宦惠帝親自往不出屋

藝文類聚
三十六

河上公

河上公不知何許人也。謂之丈人。隱德無言。無德而稱焉。安丘先生等從之。修其黃老業。御覽五百十

安丘生

長靈安丘生病篤。弟子公沙都來省之。與安共至于庭樹下。聞李香開目。見雙赤著李枯枝。自墮掌中。安食之所苦盡愈。御覽九百六十八

司馬季玉

司馬季王者。楚人也。卜于長安。漢文帝時。朱忠賈誼爲太中大夫。誼曰。吾聞聖人不居朝廷。必在巫醫。試觀卜數中。見季玉閉中弟子侍而論陰陽之紀。二人曰。觀先生之狀。見先生之辭。世未嘗見也。尊官高位。賢者所處。何業之卑。何行之污。季玉笑曰。觀大夫類有道術。何言之陋。夫相引目勢。相導目利。所謂賢者。乃可爲羞耳。夫內無飢寒之累。外無劫奪之憂。處上而有歆居下而無害。君子道也。卜之爲業。所謂上德也。鳳凰不與燕雀爲羣。公等喁喁。何知

長者一人忽忽不覺自失後不知季玉所在

御覽五百十

司馬相如

司馬相如者蜀郡成都人字長卿初為郎事景帝梁孝主來朝從游說士鄒陽等相如說之因病免游梁後過臨邛富人卓王孫女文君新寡好音相如曰琴心挑之文君奔之俱歸成都後居貧至臨邛買酒舍文君當爐相如著犢鼻褌滌器市中為人口吃善屬文仕宦不慕高爵嘗託疾不與公卿大事終于家其贊曰

長卿慢世越禮自放犢鼻居市不恥其狀託疾避官文選注蔑此卿相乃賦大人超然莫尚世說品藻篇注文選謝惠連秋懷詩注

韓福

韓福者呂行義修絜漢昭帝時呂德行徵病不進元鳳元年詔賜帛五十四遣長吏時呂存問常呂八月賜羊酒不幸死者賜複衾一祠呂中牢自是至今為徵士之故事福終身不仕卒于家藝文類聚

三十

班嗣

班嗣樓煩人

在京師家有賜書

老莊之道不屑

榮官恆居山夕楊子雲曰下莫不達

從借莊子嗣報

曰若莊子者絕聖棄智修性保身清虛淡泊歸之自然釣漁于一

壑則萬物不干其志棲遲于一丘則天下不易其樂今吾子關仁

義之羈絆係聲名之纏鎖伏孔氏之軌躅馳顏閔之極藝既繫攀

于世教矣何用大道為自炫耀也昔有學步邯鄲者失其故步匍

匍而歸耳恐似此類故不進也其行已持論如此遂終于家類聚

三十六御
覽五百十

蔣詡

蔣詡字元卿杜陵人為兗州刺史王莽為宰衡詡奏事到滬上稱
病不進歸杜陵荆棘塞門舍中三徑終身不出時人諺曰楚國二

龔不如杜陵將翁

御覽五百十

尚長 禽慶

尚長字子平、禽慶字子夏、二人相善、慶隱避、不仕王莽、長通易老子、安貧樂道、好事者更饋遺、輒受之、自足還餘、如有不取也、舉措必于中和、司空王邑辟之連年、乃欲薦之于莽、固辭乃止、遂求退、讀易至損益卦、喟然歎曰、吾知富貴不如貧賤、未知存何如亡、爾爲子嫁娶畢、敕家事、斷之、勿復相關、當如我死矣、是後肆意與同好游、五岳名山、遂不知所在、藝文類聚三十六

逢貞 李劭公

逢貞字叔平、杜陵人、李劭公、上邳人、貞世二千石、王莽辟不至、嘗爲杜陵門下掾、終身不窺長安門、但閉戶讀書、未嘗問政、不過農田之事、劭公王莽時、辟地河西、建武中、竇融欲薦之、面辭乃止、家累百金、優游自樂、御覽五百十一 又六百十一

辭方

辭方齊人養德不仕王莽安車迎方因謝曰堯舜在上下有巢許
今明王方欲隆唐虞之德亦猶小人臣欲守箕山之志莽說其言
遂終下家御覽五
百十

龔勝

龔勝楚人王莽時遣使徵聘義不事二姓遂不食而死有父老來
弔甚哀既而曰嗟乎龔曰吾自燒膏曰明白消龔先生竟大天年
非吾徒也趨而出終莫知其誰也御覽五
百十

逢萌

徐房 李雲 王尊

逢萌徐房李雲王尊同時相友世號之四子御覽五
百九

王尊字君公明易為郎數言事不用乃自汙與官婢通免歸詐狂

僧牛口無二價

後漢逢萌傳注
案王君公平原人

井丹

井丹字大春扶風郿人博學高論京師爲之語曰五經紛綸井大春未嘗書刺謁一人北宮五王更請莫能致新陽侯陰就使人要之不得已而行侯設麥飯蔥菜目觀其意丹推卻曰曰君侯能供美膳故來相過何謂如此乃出盛饌侯起左右進故丹笑曰聞桀紂駕人車此所謂人車者邪侯卽去策越騎梁松貴震朝廷請交丹丹不肯見後丹得時疾松自將醫視之疾愈久之松失大男孫丹一往弔之時賓客滿廷丹褰褐不完入門坐者皆竦望其顏色丹四向長揖前與松語客主禮畢後長揖徑坐莫得與語不肯爲吏徑山後遂隱遁其贊曰

井丹高潔不慕榮貴抗節五王不交非類顯譏輦車左右失氣被

褐長揖義陵羣羣

世語品藻篇注又略見御覽四百十

鄭仲虞

鄭均字仲虞不知何許人也不仕漢朝章帝自往終不肯起曰陛

下何惜不爲上世君令臣得爲偃息之民天子曰尚書祿終其身
世號之白衣尚書御覽五
百十

賜進士出身二品銜廣東等處提刑按察使司按察使兼管驛傳事務黃岡王毓藻校刊

全三國文卷五十二終

全三國文卷五十二

稽康

士

全三國文卷五十三

烏程嚴可均校輯

魏五十三

伏羲

義字公表

與阮嗣宗書

義白蓋聞建功立勳者必曰聖賢爲本樂眞養性者必曰榮名爲主若棄聖背賢則不離乎狂狷凌榮起名則不免乎窮辱故自生民以來同此圖例雖歷百代業不易綱譬如大道徒曰奔趨避疾定其驚良舉足向路總趨一也然流名震響非實不著而抱實之奇非人不寶貴德保身非禮不成伏禮之矩非勤不辨是使薄于實而爭名者或因飾虛曰自矜慎于禮而莫持者或因倨怠曰自外其自矜也必關闔掩晦曰示之不測之量其自外也必排摧禮

俗。已見其不羈之達。又有滑稽之士。緣于其間。浮沈不一。際畔相亂。或使時人莫能早分。推其大歸。綜之行事。徒可力極。一噓。觀盡崇朝。遭清世邪。則將吹其嘘。已露其實。值其闇邪。則將矜其貌。已疑其機。從此觀之。治大而見遺。不如資小而必集。出俗而見削。不如入檢而必令。驟聽論者。洋溢之聲。雖未傾蓋。其情如舊。然重牆難極。管短幽密。觀容相額。所執各異。或謂吾子英才秀發。邈與世玄。而經緯之氣。有蹇缺矣。或謂吾子智不出凡。器無隈奧。而陶變已眩流俗。善子者欲斤斲。已拒口樸。惡子者欲抽鍵。已驚空虛。每承此聲。未嘗不開綺斥運。放思天淵。欲爲吾子廣推奧異。端求所安也。蓋自生民之性。受氣之源。好惡大歸。不得相遠。君子徇名而不顧。亦有慕名。已爲顯。夫名利者。總人之綱。集衡之門也。出此有爲于義。未聞吾子若欲逆取順守。及時行志。則當矜而莫疑。已速民望。若欲娛情養神。不厚于俗。則當浩然恣意。惟樂是泊。今觀其

規時則行己無立德之身、報門無慕業之容、察其樂則食無方丈之肴、室無傾城之色、徒泄泄曰疑世爲奇、縱體爲逸、以此不回、既已怪矣、且人非金石、不可訓練、設使至寶、成在子身、疑于國寶、爲不得行、天官雖博、無偏駁之任、王道雖寬、無縱逸之流、苟無其分、則爲身害教、賊怨布天下、曰此備之、殆恐攻害、其至無日、安坐難保、而聞吾子乃長嘯慷慨、悲涕潺湲、又或拊腹大笑、騰目高視、形性悻張、動與世乖、抗風立侯、蔑若無人、儻獨奇變逸運、漸在于此、將曰神接虛交、異物所亂、使之然也、夫智之清者、貴其知運而不憂、德之懿者、善其持冲、曰守滿、就其懷憂、必發于見孤、孤不自孤、而怨時也、就其持滿、必起于見崇、崇不自崇、而驕世也、行來之議、又傳吾子雅性博古、篤意文學、積書盈房、無不燭覽、目厭義藻、口飽道潤、俯詠仰歎、術可純儒、然開闔之節、不制于禮、動靜之度、不羈于俗、凡詒詠善之則、教慈于父兄、惡之則言醜于讎敵、未有慈

其敎而不脩其事、醜其言而樂其業者也。古人稱竊簡寫律、踞廁讀書、誦之可悼、深怪達者之行。其象若莊周淮南東方之徒、皆投迹敎外、放思太玄、其大言異旨、殆自謂能迴天維、舉地絡、觀持世之極、總得物之宗。仰天獨唱、與世爭黨、乃謂生爲勞役、而不能煞身、曰當論、謂財爲穢累、而不能割、賄曰兒譏、由是觀之、其鬱怨于不得、故假無欲、曰自通、怠惰于人檢、故殊聖人、曰自大、凡此數者、尚皆奇才異略、命世崛起、徒曰時昏俗亂、寶沈幽夜、而性放蕩、不一、菱致、國寶之責、庶其不然、而況吾子志非遁世、世無所適、麟驥苟修、天雲可據、動則不能龍、攬虎超、同機伊霍、靜則不能珠、潛壁匿、連迹巢光、言無定端、行不純軌、虛盡年時、曰自疑外、豈異乎韓子所謂無施之馬、骨體雖美、懿牽縮不隨者哉。且桀士之志也、遇世險巇、則憂在將命、值世太清、則憤于匿穎、欲其世平而有騁足之場、時安而有役智之局、方今大魏興隆、皇衢清敞、台府之門、割

石索寶已吳蜀二虜巢窟水破長壽之士所當奮力可謂器與運
會不卜而行今其時矣向使吾子才足蓋世思能橫出何能不因
大師蹈敵之變陳孫子廟勝之策使烽燧不起干四垂羽檄不施
于中夏定勳立事撫國監民而飽食安臥囊懸室罄力牽千役財
彫于賦養生之具亂于細民爲壯士者豈能然乎若居其勞而不
知病其事則經緯之氣乏矣若病其事而不能爲其醫則鍼石之
巧淺矣今吾子擢才達德則無毛遂穎脫之勢翦迹滅光則無四
皓岳立之高豐家富屋則無陶朱貨殖之利延年益壽則無松喬
蟬蛻之變總論吾子所歸義無所出然眾論雲擾僉稱大異疑夫
鬱氣之下必有祕伏重輿之內必有積寶雖無顏氏之妙思覩恍
惚之迹雖無鍾子之達樂聞山林之音想亦不隱才穎于肝膈而
不揚之于清觀任賢智于骨氣而不播之于高聽且明智之爲物
猶泉流之吐潤固不于挹酌而爲損舍佇而增益也張儀之志激

于見劫、季路晚悟、滯在持滿、是已不嫌盡言、究其良苦、想必勃然承聲響發、若乃羣能獨師、無已應唱、懸機待時、不能觸物、則不達于談者、所謂挾祖奕已守要際、閉虛門、已示不測者也、昔輪扁不能言微于其弟、伯樂不能語妙于其子、此蓋智術之曲撓、非道理之正例、自古有不可及之人、未有不可聞之業、有不可料之微、未有不可稱之略、幸已竭示所志、若變通卓逸、行得天符、言發恍然、邈在世表、則將爲吾子謝物輸力、因風自釋、染筆附紳、諮所未悟、庶足存弟子之一隅、

阮嗣宗集

稽叔良

叔良爲東平太守

魏散騎常侍步兵校尉東平相阮嗣宗碑

先生諱籍字嗣宗、陳畱尉氏人也、厥遠祖陶化于上世、而先生弘美于後代、詩所載阮國、則是族之本也、先生承命世之美、希達節

之度得意忘言、尋妙于萬物之始、窮理盡性、研幾于幽明之極、和
光同略、羣生莫能屬也、確不可拔、當塗莫能貴也、或出或處、與時
升降、或默或語、與世推移、望其形者、猶登嶽涉海、蕩然無已、究其
高、測其深、覽其神者、猶勿璞親珪、肅然無不欽其寶、而偉其奇也、
不屑夷齊之潔、故其清不可尚也、不履惠連之汙、故其道不可屈
也、遽瑗昇降于卷舒、甯武去就于愚智、顧盼二子、不亦泰如、危宗
廟之犧、安不靈之龜、故無孤憤之逼、而有塗中之廣、觀屈殺鳴雁、
是已處才不才之間、察巨瓠緯帶、是已遊有用之際、夸大辨而御
之、已訥、資大白而汾之、已辱、爲無爲而名不能累也、事無事而世
不能役也、訪垂天之翼、于寂寞之域、投芒刀之穎、于有解之會、固
恢恢必餘地、豈若接輿被張、已養生於陵、觀園已求實、醒醒近步
修軌、轍而已哉、尼父議老氏于遊龍、衛賜譬重仞于日月、揆之先
生、其殆庶幾乎、方將攀逸駕于洪涯、逸遐軌于巢州、跨宇宙已高

挹陵雲霄已優游、享年如干、遽病而卒、于是遠鑒之士、有識之徒、先生之沒、夫豈不慨然、臨豪傑而存惠子之閒、運斧斲而思郢人之工、乃探蹟索隱、已敘雅操、使將來君子、知莊生之迹、略舉其志、
碑之曰、

嵯嵯先生、天挺無欲、玄虛恬淡、混齊榮辱、盪滌穢累、婆娑山足、胎胞造化、韜韞光燭、鼓棹滄浪、彈冠嶠岳、頤神大素、簡邁世局、澄之不清、濁之不濁、翱翔區外、遺物庶俗、隱處巨室、反真歸漠、汪汪淵源、邁迹圖錄、廣文選作稽叔夜誤楊慎曰錦絕錄曰爲東平太守稽叔良撰未詳何據文不他見姑列此俟安

呂安

安字仲悌、東平人、徵士、景元中、坐事與嵇康俱誅、有集一卷、

觸醢賦

躊躇增愁、言遊舊鄉、惟遇觸醢、在彼路傍、余乃俯仰咤歎、告于吳蒼、此獨何人、命不永長、身銷原野、骨曝大荒、余將殯子時服、與子

嚴裝殮呂棺梓，遷彼幽堂。于是憫懣森如，精靈感應。若在若無，斐然見形。溫色素膚，昔呂無良。行逢皇乾，來遊此土。天奪我年，令我全膚消滅。白骨連翩，四支摧藏。草芥孤魂，悲悼乎黃泉。生則歸化，明則反昏。格于上下，何物不然。余迺感其苦酸，哂其所說。念爾荼毒形神，斷絕今宅。子后土呂爲永列，相與異路。于是便別。魏文十七初學記十四

上奏元神，下告皇祇。

文選顏延之宋郊祀歌注

周晃

晃正元中爲典麻郎

日蝕考負對

麻候所掌，推步遲速。可呂知，加時早晚。度交緩急，可呂知。薄蝕淺深，合朔之時。或有月掩日，則蔽障日體，使光景有虧。故謂之日蝕。或日掩月，則日從月上過，謂之陰不侵陽。雖交無變，至于日月相

掩必蝕之理無術曰推是曰古者諸侯旅見天子日蝕則廢禮嘗
禘郊社日蝕則接祭是曰前代史官不能審日蝕之數故有不得
終禮自漢故事曰爲日蝕必當于交每至其時申警百官曰備日
變甲寅詔書有備蝕之制無考負之法通典七十八

又對

古來黃帝顓頊夏殷周魯六厯皆無推日蝕法但有考課疏密而
已負坐之條本由無術可課非司事之罪通典七十八

王俊

俊太原人

表德論

祇畏王典不得爲銘乃撰錄行事就刊于墓之陰云爾宋書禮志二甘露二年大將軍參軍太原王倫卒倫兄俊作表德論曰述倫遺美云

楊元鳳

元鳳傳里未詳

賦

三重五品商溪樑里

梁書劉杳傳云元鳳是魏代人此書仍載其賦云云

霍弋

弋字紹先南郡枝江人蜀章武末爲太子舍人後主卽位除謁者丞相亮請爲記室後爲黃門侍郎太子中庶子歷參軍庠降屯副貳都督轉護軍領永昌太守遷監軍翊軍將軍領建寧太守還統南郡事進號安南將軍蜀亡舉郡內附拜南中都督曰功封列侯

率六郡將守上表

臣聞人生于三事之如一惟難所在則致其命今臣國敗主附守死無所是曰委質不敢有二

蜀志霍峻傳注引漢晉春秋

遣戍交趾誓

若賊圍城未百日而降者，家屬誅；若過百日而城沒者，刺史受其

罪。吳志孫皓傳注引漢晉春秋初

霍弋遣楊稷毛吳等戍與之誓

劉微
微爵里未詳。晉書律厯志上曰

爲魏景元四年注

九章算術注序

昔在包犧氏，始畫八卦，曰通神明之德，曰類萬物之情，作九九之術，曰合六爻之變，暨于黃帝，神而化之，引而伸之，于是建厯紀，協律呂，用稽道原，然後兩儀四象精微之氣，可得而效焉。記稱隸首作數，其詳未之聞也。案周公制禮而有九數，九數之流，則九章是矣。往者暴秦焚書，經術散壞，自時厥後，漢北平侯張蒼、大司農中丞耿壽昌皆曰：「善算命世。」蒼等因舊文之遺殘，各稱刪補，故校其目，則與古或異，而所論者多近語也。微幼習九章，長再詳覽，觀陰陽之割裂，總算術之根源，探賾之暇，遂悟其意，是曰敢竭頑魯，采

其所見爲之作注事類相推故枝條雖分而同本幹者知發其一
端而已又所析理曰辭解體用圖庶亦約而能周通而不黷覽之
者思過半矣且算在六域古者曰賓興賢能敎習國子雖曰九數
其能窮纖入微探測無方至于曰法相傳亦猶規矩度量可得而
共非特難爲也當今好之者寡故世雖多通才達學而未必能綜
于此耳周官大司徒職夏至日中立八尺之表其景尺有五寸謂
之地中說云南戴日下萬五千里夫云爾者曰術推之案九章立
四表望遠及因木望山之術皆端旁互見無有超邈若斯之類然
則蒼等爲術猶未足曰博盡羣數也微尋九數有重差之名原其
指趣乃所曰施于此也凡望極高測絕深而兼知其遠者必用重
差句股則必曰重差爲率故曰重差也立兩表于洛陽之城令高
八尺南北各盡平地同日度其正中之時曰景差爲法表高乘表
間爲實實如法而一所得加表高卽日去地也曰南表之景乘表

間為實實如法而一即為從南表至南戴日下也。曰南戴日下及日去地為句股為之求弦。即日去人也。曰徑寸之筭南望日。日滿筭空則定筭之長短。曰為股率。曰筭徑為句。率日去人之數為大股。大股之句即日徑也。雖天圓宵之象猶曰可度。又況泰山之高與江海之廣哉。微曰為今之史籍且略舉天地之物考論厥數載之于志。曰闡世術之美輒造重差并為注解。曰究古人之意綴于句股之下。度高者重表測深者累矩孤離者三望離而又旁求者四望。觸類而長之則雖幽遐詭伏靡所不入。博物君子詳而覽焉。

加章算術曲阜孔氏刊本

賈岱宗

岱宗岱里未詳

案此文類聚在傳玄後蓋元魏人初學記在傳玄前則曰為曹魏人今姑列此俟攷

大狗賦

余生處大魏之祚政遭王路之未聞進不得補過之功退不得御

國之冊帝曰疇咨迨在朔易越彼西旅犬犬是獲其頭顱也不可
論曰盡其骨法也不可辨而釋倭僂蹠踰雄資猛相兀然高八九
尺形體如翦削初學記作箭鏃從藝文類聚象貌如刻畫毛翰初學記作翰從藝文類聚紫
豔光雙肩如白璧時頻伸而振迅若應龍之騰擲爪類刀戈牙如
交戟聞林獸之羣爭歛斷鏢而齧石逆風長厲野禽是覓鼻嗅微
香眼裁輕迹眇睥而奮怒揮霍而振鬣藝文類聚作獅譬若從藝文類聚天梁
折地柱劈倒曳白象挫其腰齧掣六駝折其脊拓揅熊羆破其匈
拊抄獸頭斷其脈爪處如劍聲藝文類聚作鈎牙創似鉞藝文類聚作矛刺視
其未死之間血泉涌如箭射于是驅麋鹿之大羣入窮谷之峻厄
走者先死往者被擊前無子遺後無一隻然其所折伏敬主識人
晝則無窺窬之客夜則無奸淫之賓通聽百里夜吠狺狺若乃蠻
夷猾夏列士異操輕視單集人馬銜枚猛火先覺音聲正摧竦耳
側聽則恆山動南向嗟喋則霍山頽眈精直視則會丘礪虺嚇奔

突則重闕開非吾畋獵之有益乃可安國家衛四鄰者也昔宋人有鵲子之譽韓國珍其大盧彌明振之于巨蔡槃瓠受之于蠻都論百代之名狗敢餘犬之能俱絕四鐵之獨猗云何盧令之足書

初學記二十九又見苑文類聚九十四有剛節

賜進士出身三品銜廣東等處提刑按察使司按察使兼管驛傳事務黃岡王毓藻校刊

全三國文卷五十四

烏程嚴可均校輯

魏五十四

公孫淵

淵字文懿遼東襄平人祖度父康竝封侯據有遼東太和初脅奪其叔父恭位而自立拜揚烈將軍遼東太守尋遣使通吳吳封爲燕王加九錫復誘斬吳使表聞進拜大司馬封樂浪公持節領郡如故景初初徵不至自立爲燕王建元紹漢太尉司馬懿討斬之

表吳主權

臣伏惟遭天地反易遇無妄之運王路未夷傾側擾攘自先人已來歷事漢魏階緣際會爲國效節繼世享任得守藩表猶知符命未有攸歸每感厚恩頻辱顯使退念人臣交不越境是已固守所

執拒違前使、雖義無二信、敢忘大恩、陛下鎮撫長存小國、前後裴校尉、葛都尉等到、奉被敕誠、聖旨彌密、重納累素、幽明備著、所已申示之事、言提其耳、臣晝則謳吟、宵則發夢、終身誦之、志不知足、季末凶荒、乾坤否塞、兵革未戢、人民蕩析、仰此天命、將有眷顧、私從一隅、永瞻雲日、今魏家不能採錄忠善、褒功臣之後、乃令讒諂得行其志、聽幽州刺史東萊太守誑誤之言、猥興州兵、圖害臣郡、臣不負魏、而魏絕之、蓋聞人臣有去就之分、田饒適齊、樂毅走趙、已不得事主、故保有道之君、陳平耿況亦覩時變、卒歸于漢、勒名帝籍、伏惟陛下德不再出、時不世遇、是已悽悽懷慕、自納望遠視險、有如近易、誠願神謨蚤定洪業、奮六師之勢、收河洛之地、爲聖代宗天下幸甚、

魏志公孫度傳注引吳書

上魏明帝表

青龍元年

臣前遣校尉宿舒郎中令孫綜甘言厚禮、已誘吳賊、幸賴天道、福

助大魏使此賊虜暗然迷惑違戾羣下不從眾諫承信臣言遠遣
舩使多將士卒來致封拜臣之所執得如本志雖憂罪毀私懷幸
甚賊眾本號萬人舒綵伺察可七八千人到沓津僞使者張嬭許
晏與中郎將萬泰校尉裴潛將吏兵四百餘人齋文書命服什物
下到臣郡泰潛別齋致遺貨物欲因市馬軍將賀達虞咨領餘眾
在舩所臣本欲須涼節乃取彌等而彌等人兵眾多見臣不便承
受吳命意有猜疑懼其先作變態妄生卽進兵圍取斬彌晏泰潛
等首級其吏從兵眾皆士伍小人給使東西不得自由面縛乞降
不忍誅殺輒聽納受徒充邊城別遣將韓起等率將三軍馳行至
沓使領長史柳遠設賓主禮誘請達咨三軍潛伏曰待其下又驅
羣馬貨物欲與交市達咨懷疑不下使諸市買者五六百人下欲
交市起等金鼓始震鋒矢亂發斬首三百餘級被創赴水沒溺者
可二百餘人其散走山谷來歸降及藏竄飢餓死者不在數中得

銀印銅印兵器資貨不可勝數謹遣西曹掾公孫珣奉送賊權所

假臣節印綬符策九錫什物及彌等偽節印綬首級

魏志公孫珣傳注引魏略

宿舒孫綜前到吳賊權問臣家內小大舒綜對臣有三息脩別屬亡弟權敢姦巧便擅拜命謹封送印綬符策臣雖無昔人洗耳之風慙爲賊權污損所加既行天誅猶有餘忿

同上

權待舒綜契闊委曲君臣上下畢歡竭情而今四使見殺梟示萬里士眾流離屠戮津渚慙恥遠布痛辱彌天權之怨疾將刻肌膚若天衰其業使至喪隕權將內傷憤激而死若期運未訖將播毒螫必恐長蛇來爲寇害徐州諸屯及城陽諸郡與相接近如有船眾後年向海門得其消息乞速告臣使得備像

同上

臣父康昔殺權使結爲讎隙今乃譎欺遣使誘致令權傾心虛國竭祿遠命上卿寵授極位震動南土備盡禮數又臣門戶受恩實深實重自臣承攝卽事以來連被榮寵殊特無量分當隕越竭力

致死而臣狂愚意計迷闇不卽禽賊已至見疑前章表所陳情趣
事勢實但欲罷弊此賊使困自絕誠不敢背累世之恩附僭盜之
虜也而後愛憎之人緣事加誣僞生節目卒令明聽疑于市虎移
恩改愛興動威怒幾至沈沒長爲負忝幸賴慈恩猶垂三省使得
補過解除愆責如天威遠加不見假借早當糜碎辱先廢祀何緣
自明建此微功臣旣喜于事捷得自申展悲于疇昔至此變故餘
怖踴躍未敢便盥唯陛下旣崇春日生全之仁除忿塞隙抑弭纖
介推今亮往察臣本心長令抱戴銜分三泉

同上

臣被服光榮恩情未報而已罪數自招譴怒分當卽戮爲眾社戒
所已越典詭常僞通于吳誠自念窮迫報效未立而爲天威督罰
所加長恐奄忽不得自洗故敢自闕替廢于一年遣使誘吳知其
必來權之求郡積有年歲初無倡荅一言之應今權得使來必不
疑至此一舉果如所規上卿大眾翕赫豐盛財貨賂遺傾國極位

到見禽取、流離死亡千有餘人、滅絕不反、此誠暴猾賊之鋒、摧矜
夸之巧、昭示天下、破損其業、足已慙之矣、臣之悽悽、念效于國、雖
有非常之過、亦有非常之功、願陛下原其踰關之愆、采其毫毛之
善、使得國恩保全終始矣、魏志公孫度傳注引魏略

郭昕 柳浦

昕爲公孫淵長史、浦爲參軍、

爲公孫淵上書自直

大司馬長史臣郭昕、參軍臣柳浦等七百八十九人言、奉被今年
七月己卯詔書、伏讀懇切、精魄散越、不知身命所當投措、昕等伏
自惟省蠅蟻小醜、器非時用、遭值千載、被受公孫淵祖考以來、光
明之德、惠澤沾渥、滋潤榮華、無寸尺之功、有負乘之累、遂蒙褒獎、
登名天府、竝冒驚蹇、附能託驥、紆青拖紫、飛騰雲梯、感恩惟報、死
不釋地、臣等聞明君在上、聽政采言、人臣在下、得無隱情、是已因

緣訴讓冒犯怨冤郡在藩表密邇不羈平昔三州轉輸費調已供
賞賜歲用累億虛耗中國然猶跋扈戾劉邊陲烽火相望羽檄相
逮城門晝開路無行人州郡兵戈奔散覆沒淵祖父度初來臨郡
承受荒殘開日月之光建神武之略聚烏合之民掃地爲業威震
耀于殊俗德澤被于羣生遼土之不壞實度是賴孔子曰微管仲
吾其被髮左衽向不遭度則郡早爲丘墟而民係于虜廷矣遺風
餘愛永存不朽度旣薨殂吏民感慕欣戴子康尊而奉之康踐統
洪緒克壯徽猷文昭武烈邁德種仁乃心京輦翼翼虔恭佐國平
亂效績紛紜功隆事大勳藏王府度康當值武皇帝休明之會合
策明之計夾輔漢室降身委質卑已事魏匪處小厭大畏而服焉
乃慕託高風懷仰盛懿也武皇帝亦虛心接納待已不次功無巨
細每不見忘又命之曰海北地土割已付君世世子孫實得有之
皇天后土實聞德音臣庶小大豫在下風奉旨周旋不敢失墜淵

生有蘭石之姿、少含愷悌之訓、允文允武、忠惠且直、生民欽仰、莫弗懷愛、淵纂戎祖考、君臨萬民、爲國曰禮、淑化流行、獨見先覩、羅結遐方、勤王之義、視險如夷、世載忠亮、不隕厥名、孫權慕義、不遠萬里、連年遣使、欲自結援、雖見絕殺、不念舊怨、纖纖往來、求成恩好、淵執節彌固、不爲利迴、守志匪石、確乎彌堅、猶懼丹心未見、保明乃卑辭厚幣、誘致權使、梟截獻馘、曰示無二、吳雖在遠、水道通利、舉帆便至、無所隔限、淵不顧敵讎之深、念存人臣之節、絕彊吳之歡、昭事魏之心、靈祇明鑒、普天咸聞、陛下嘉美洪烈、懿茲武功、誕錫休命、寵亞齊魯、下及陪臣、普受介福、誠曰天覆之恩、當卒終始、得竭股肱、永保祿位、不虞一旦橫被殘酷、惟有養之厚、念積累之效、悲思不遂、痛切見棄、舉國號咷、拊膺泣血、夫三軍所伐、蠻夷戎狄、驕逸不虔、于是致武、不聞義國、反受誅討、蓋聖王之制、五服之域、有不供職、則脩文德、而又不至、然後征伐、淵小心翼翼、恪恭

干位勤事奉上可謂勉矣盡忠竭節還被患禍小弁之作離騷之興皆由此也就或佞邪盜言孔甘猶當清覽憎而知善讒巧似直或亂聖聽尚望文告使知所由若信有罪當垂三省若不改寤計功滅降當在八議而潛軍伺襲大兵奄至舞戈長驅衝擊遼土犬馬惡死況于人類吏民昧死挫辱王師淵雖冤枉方臨危殆猶恃聖恩悵然重奔莫必姦臣矯制妄肆威虐乃謂臣等曰漢安帝建光元年遼東屬國都尉龐參受三月乙未詔書曰收幽州刺史馮煥玄菟太守姚光推案無乙未詔書遣侍御史幽州牧考姦臣矯制者今刺史或儻謬承矯制乎臣等議曰爲刺史興兵搖動天下殆非矯制必是詔命淵乃俛仰歎息自傷無罪深惟土地所已養人竊慕古公杖策之岐乃欲投冠釋紱逝歸林麓臣等維持誓之已死屯守府門不聽所執而七營虎士伍部蠻夷各懷素飽不謀同心奮臂大呼排門遁出近郊農民釋其耨耨伐薪制挺改案爲

糧奔馳赴難、軍旅行成、雖蹈湯火、死不顧生、淵雖見孤棄、怨而不
怒、比遣敕軍、勿得干犯、及手書告誥、懇惻至誠、而吏士凶悍、不可
解散、期于畢命、投死無悔、淵懼吏士不從教令、乃躬馳驚白、往化
解、僅乃止之一飯之惠、匹夫所死、況淵累葉信結百姓、恩著民心、
自先帝初興、爰暨陛下、榮淵累葉、豐功懿德、策名褒揚、辯著廊廟、
勝衣舉履、誦詠明文、已爲口實、埋而掘之、古人所恥、小白重耳、衰
世諸侯、猶慕著信、已隆霸業、詩美文王、作孚萬邦、論語稱仲尼去
食存信、信之爲德、固亦大矣、今吳蜀共帝、鼎足而居、天下搖蕩、無
所統一、臣等每爲陛下懼此危心、淵據金城之固、仗和睦之民、國
殷兵彊、可已橫行、策名委質、守死善道、忠至義盡、爲九州表、方今
二敵閭闔、未知孰定、是之不戒、而淵是害、茹柔吐剛、非王者之道
也、臣等雖鄙、誠竊恥之、若無天乎、臣一郡吉凶、尚未可知、若云有
天、亦何懼焉、臣等聞仕于家者、二世則主之、三世則君之、臣等生

于荒裔之土、出于主竇之中、無大援于魏世、隸于公孫氏、報生與
賜、在于死力、昔蒯通言直、漢祖赦其誅、鄭詹辭順、晉文原其死、臣
等頑愚、不達大節、苟執一介、披露肝膽、言逆龍鱗、罪當萬死、惟陛
下恢崇撫育、亮其控告、使疏遠之臣、永有保持、魏志公孫度傳注引魏書

列女

高柔妻

高柔妻、姓氏未詳、

案晉亦有高柔、世說輕詆、篇注引孫統為柔集、故曰柔字世遠、樂安人、才理清解、安行仁

義、婿泰山胡母氏女、年二十、既有倍年之覺、而姿色清惠、近是上流婦人、柔家道隆崇、既罷司空、參軍、安固令營宅于伏川、馳動之情、既薄、又愛耽賢妻、便有終焉之志、尚書令何充取為冠軍、參軍、鮑俊應命、眷戀綢繆、不能相舍、相贈詩書、清婉、辛切、陳此、則高柔妻乃胡母氏也、然御覽入百十六引高柔妻與柔書、皆作高文惠妻、與文惠書、則又為魏之高柔、豈文惠亦有才婦、而本傳及裴注、惻略數今姑編入、魏文侯博通者、定之

與夫文惠書

今奉總恰十枚、組生履一緹、織成袜一量、

御覽六百八十八又六百九十七又八百十六

賜進士出身一品銜廣惠等處提刑按察使司按察使兼管驛傳事務黃岡王毓藻校刊

全三國文卷五十四終